

मार्निंग डोगरी न्यूज़ बुलेटिन, समें. 09-20 Hrs

<><><><><><>

Headlines

- भारत नै पाकिस्तान दे सेना प्रमुख हुंदी टिप्पणी गी खारज करदे होई गलाया ऐ जे पाकिस्तान कन्नै कश्मीर दा छड़ा इस्सै सरबंध नाजायज तरीके कन्नै कब्जाएं गेदे क्षेत्रे गी खाल्ली कराने दा ऐ।
- सीआरपीएफ जम्मू कश्मीर च आतंकवाद विरोधी अभियानें गी दिखदे होई कोबरा बटालियन दा गठन करोग।
- जम्मू बिजली विकास कारपोरेशन लिमिटेड जेपीडीसीएल नै अंधी-झक्खड़ मगरा जम्मू खिम्मे च 95 फीसदी बिजली सप्लाई दे कम्में गी दरुस्त करी दित्ता ऐ।
- पूरे मुल्खे आले लेखा जम्मू खित्ते च बी अज्ज गुड फ्राइडे धार्मिक श्रद्धा कन्नै मनाया जा'रदा ऐ।
- मौसम विभाग नै जम्मू कश्मीर च अज्जै थमां 30 अप्रैल तगर बरखा ते बर्फबारी दी पेशगोई कीती ऐ।

<><><><><><>

MEA

भारत नै कश्मीर उप्पर पाकिस्तानी सेना प्रमुख दी टिप्पणी गी खारज करी दित्ता ऐ ते गलाया जे कश्मीर दे कन्नै पाकिस्तान दा छड़ा इक्कला सरबंध नाजायज तरीके कन्नै कब्जाए गेदे क्षेत्रें गी खाली करना ऐ। विदेश मंत्रालय दे प्रवक्ता रंधीर जयसवाल होरें कलइक जानकारी दरान पाकिस्तान दे सेना प्रमुख आस्सेआ कश्मीर ते भारत-पाक सरबंधें उप्पर कीती गेदी टिप्पणी दा परता दिंदे होई आखेआ जे जम्मू कश्मीर भारत दा इक केन्द्र शासत प्रदेश ऐ ते भारत दा पाकिस्तान कन्नै छड़ा इक मात्र सरबंध इस देश आस्सेआ नाजायज तौरा पर कब्जाए गेदे क्षेत्रेंग ी खाल्ली कराना ऐ। उंदा एह ब्यान पाकिस्तान दे सेना प्रमुख जनरल असीम मुनीर आस्सेआ कश्मीर गी पाकिस्तान दी गले दी नस दस्से जाने दे बाद आया ऐ। उनें दऊं राष्ट्रसरबंधी सिद्धांत दी वकालत करदे होई गलायास हा जे पाकिस्तान कश्मीर च अलगाववादी अंदोलन दा समर्थन करना जारी रखोग। 26/11 मुंबई हमले दे मुख साजशकर्ता तहव्वर राणा गी भारत वापस आन्नने मगरा विदेश मंत्रालय दे प्रवक्ता होरें गलाया जे पाकिस्तान लक्ख कोशश करी लै, पर वैश्विक आतंकवाद दे रूपै च ओह्दी साख कदें नेईं करोग।

<><><><><><>

CRPF

केन्द्रीय रिजर्व पुलिस बल नै जम्मू कश्मीर च आतंकवाद विरोधी अभियानें लेई शक्ति कारवाई करने आली दक विशेष कमांडो बटालियन कोबरा बनाने दा फैसला कीता। जंगले च आतंक विरोधी कारवाई च महारत रखने आली इस इकाई गी 17 बरें मगरा नक्सल प्रभावत राज्यें च अभियान चलाने लेई नीम फौजी बलें च शामिल कीता गेआ ऐ। आकाशवाणी दे जम्मू संवाददाता नै जानकारी दित्ती ऐ जे सीआरपीएफ दे महानिदेशक ज्ञानेंद्र प्रताप सिंह होरें कल मध्यप्रदेश च आयोजत बल दे 86में स्थापना दिवस दरान एह घोषणा कीती। डीजी होरें गलाया जे केन्द्री गृहमंत्री अमित शाह हुंदे निर्देशें मूजब जम्मू कश्मीर लेई इस नमीं कमांडो बटालियन –कोबरा दा गठन कीता जाग। कोबरा इकाई गी जम्मू कश्मीर दे जंगली इलाकें च अभियान चलाने दा कम्म सौंपेआ जाग, जेहदे च जम्मू क्षेत्र बी शामिल ऐ, जित्थें हाल दे दिनें केई आतंकवादी घटना होइयां न। इत्थें एह दस्सना लाजमी ऐ जे कोबरा इकाई बक्ख-बक्ख राज्यें च नक्सलवाद गी रोकने च महत्वपूर्ण भूमिका नभाई ऐ।

<><><><><><>

Police Transfers

पुलिस प्रशासन च बड्डे फेरबदल च एलजी प्रशासन तैहत जम्मू कश्मीर सरकार दे गृह विभाग नै 17 आईपीएस ते 96 जेकेपीएस अधिकारिण दे तबादले दे आदेश जारी कीते न। आदेश मूजब होरने दे इलावा सारा रिजवी हुंदी बदली करियै उनेंगी उधमपुर-रियासी रेंज दी डाआईजी तैनात कीता गेआ ऐ, इआं गै राजा आदिल हामिद गनेई होरें गी एसएसपी ट्रैफिक राष्ट्रीय राजमार्ग, केसर मलिक होरें गी एसपी ट्रैफिक जम्मू सिटी, नरेश सिंह होरें गी एसएसपी किशतवाड़ ते प्रदीप सिंह होरें गी अडिशनल एसपी किशतवाड़ तैनात कीता गेआ ऐ।

<><><><><><>

CS-Agriculture

मुख्य सचिव अटल डुल्लू हुंदी अध्यक्षता आली राज्य सतह दी स्टीयरिंग कमेटी नै 300 करोड़ रुपें दी लागत आली कृषि विभाग आस्सेआ अमल च आंदी लारदिण बड्डिण केन्द्र आस्सेआ प्रायोजित स्कीमें लेई सलाना कारवाई योजनाएं गी मजूरी देइ दित्ती ऐ। एह लौहकियां स्कीमां सरकार आस्सेआ कृषि सेक्टर गी मता मता उत्पादक, टिकाऊ ते तकनीकी कन्नै सशक्त व्यवसाय दे रूपै च बदलने दी समर्थ रखदियां न।

<><><><><><>

World Heritage Day

विश्व धरोहर ध्याड़ा अज्ज पूरी दुनिया च मनाया जा'रदा ऐ। इसी स्मारकें ते महत्वपूर्ण थाहरें दा अंतर्राष्ट्री ध्याड़ा बी आखदे न। इस बरें इस ध्याड़े दा विशेषार ऐ आपदा ते टकराव करी धरोहर खतरे च।

साढ़े संवाददाता नै दस्सेआ जे इस दिन गी हर ब४रे 18 अप्रैल गी अपनी संस्कृति ते प्राकृतिक धरोहर दे सम्मान च ते संभाल आस्तै मनया जंदा ऐ। पिछले किश ब'रें च भारत ते विश्व धरोहर सूचि च अपनी मजूदगी बधाई ऐ। विश्व धरोहर सूचि च भारत दे 43 थाहरा शामिल न ते यूनेस्को दी आजमाहिशी सूचि च 62 होर थाहरा शामिल न। अज्ज दे ध्याड़े भारती पुरात्व सर्वेक्षण नै पूरे देश च एएसआई तरफा संरक्षत स्मारकें च मुफ्त प्रवेश दी घोशणा कीती ऐ। एह्दा मकसद लोकें गी देश दी सांस्कृतिक विरासत बारे जानकारी देना ऐ।

<><><><><><>

Power

जम्मू बिजली विकास कारपोरेशन लिमिटेड जेपीडीसीएल नै जम्मू खित्ते च तंदे बुधवार रातीं चली दी अंधी झक्खड़ करी बिजली सरिस्ते गी जेहड़ा नुक्सान पुज्जेआ ऐ। ओह 95 फीसद दरुस्त करी दित्ता ऐ। सरकारी विज्ञप्ति मूजब जेपीडीसीएल नै अपने कर्मिणें ते मशीनरी गी लाइयै सब्बने प्रभावत क्षेत्रें जिंदे च 220 के.वी सलाल सर्कट, 220 के.वी जटवार ट्रांसमिशन लाईन 220 के.वी किशनपुर ग्रिड स्टेशन ते होर दुए केन्द्र शामिल न, च बिजली ब्हाली दे फौरी तौर लोडचदे उपाह शुरू करी दित्ते दे न। जम्मू प्रांत च दपैहरी 1 बजे बिजली दा लोड 190 मैगावाट दर्ज कीता गेआजेहड़ा कल संजा 7 बजे बधियै 1 जहार मैगावाट तगर पुज्जी गेआ हा।

<><><><><><>

Admission

स्कूली शिक्षा विभाग नै जम्मू डिवीजन दे सब्बने शिक्षा इदारे च 2025–26 आले शैक्षणिक सत्र च पैहली जमातै च दाखले लेई चीरी बारी उमरी च छूट देने दी घोशणा कीती ऐ। इंदे च स्याले आले जोन शामिल नेई हैन। एह् फैसला राष्ट्रीय शिक्षा नीति 2020 तैहत उमरी दे मानदंडे गी लेइयै आए दे मते हारे प्रतिनिधिमंडलें आस्सेआ पुच्छे गेदे सुआलें दे परते च आया ऐ। राष्ट्रीय शिक्षा नीति मूजब नर्सरी च दाखले लेई बच्चें दी उमर घट्टोघट्ट 3 ब४रे होनी लोडचदी ते पैहली जमातै च दाखले लेई ओहदी बरेसू 6 ब४रे होनी लोडचदी। खीरी बारी दित्ती गेदी इस छूट तैहत 30 सितम्बर 2025 तगर जन्मे दे बच्चें 2025–26 आले शैक्षणिक सत्र च पैहली जमाते च दाखला लेइ सकदे न। एह हुक्म विशेष करी उनें बच्चें आस्तै ऐ जिनें 2022'23 आले ब'रे च नर्सरी च दाखला लैता हा।

<><><><><><>

Voter

नगरोटा विधानसभा हल्के च विद्यार्थिणें च वोट जागरूकता बधाने लेई ते मतदाता साक्षरता क्लबें लेई डैमोक्रेसी ऑफ व्हील यानि पेहिणें उप्पर लोकवाद नां कन्नै अपनी किस्म दे इस नमें प्रचार दी शुरुआत कीती गई। आकाशवाणी जम्मू दे संवाददाता हुंदी रिपोर्ट मूजब इस विशेष वैन दा मकसद इसले चला'रदी विशेष समरी पैंशन दरान भविकख ते नोजवान मतदाताएं गी इस प्रक्रिया च शामिल करना ऐ।

एह स्वीप गतिविधि इक मोबाइल शिक्षा दे मंच आंगर कम्म करोग जिसी विशेष करियै विद्यार्थिएं तगर ते बक्ख-बक्ख शिखा इदारे ते सामुहायिक केन्द्रें दे ईएलसी मिंबरें तगर पहुंच बनाने लेई शुरू कीता गेदा ऐ।

<><><><><><>

Good Friday

मुलखें दे दुए हिस्से आंगर जम्मू च बी गुड फ्राइडे मनाया जा'रदा ऐ। क्रिसचन कैलेंडर च गुड फ्राइडे बड़ा पवित्र ध्याड़ा ऐ जिस दिन यिशू मसीह कैलवरी च सूली पर चाढ़े गे हे। गुड फ्राइडे सोह गनाने, अंतर्दृष्टि करने ते आध्यात्मिक लग्न लाने दा ध्याड़ा ऐ। समूलचे मुल्खे च अज्ज गुड फ्राइडे मनाया जा करदा ऐ। दुनिया भरै च ईसाई समुदाय दे लोक गुड फ्राइडे मनांदे न। गुड फ्राइडे यीशू मसीह हुंदे सूली पर चढ़ने दे चेते च मनाया जंदा ऐ। एह ध्याड़ा शोकमनाने, चिंतन करने ते अध्यात्मक लगन कन्नै सरबंधत ऐ। अज्जै दे दिन गिरजाघरें च खास प्रार्थना सभाएं दा सरिस्ता कीता गेदा ऐ। प्रधानमंत्री नरेन्द्र मोदी होरें गुड फ्राइडे पर अपने सनेए च यिशू मसीह हुंदे बलिदान गी चेता कीता। उनें आखेआ जे एह दिन असेंगी नेकर, सद्श्राव ते बड़डा दिल रखने आस्तै प्रेरित करदा ऐ, उनें कामना कीती जे शांति ते भाईचारे दी भावना दुनिया च म्हेशां कायम रवै।

<><><><><><>

Met Advisory

मौसम विभाग नै 18 अप्रैल थमां 30 अप्रैल तोड़ी पूरे जम्मू कश्मीर च भारी बरखा, बर्फबारी, अधी झक्खड़ ते तेज हवा चलने दी पेशगोई करदे होई एडवाइसरी जारी कीती ऐ। मौसम विभाग नै 18 अप्रैल ते 19 अप्रैल आली रातीं बड़े मते अंधी झक्खड़ ते बरखा दी चेतावनी दिक्ती ऐ। इक सरकारी एडवाइसरी मूजब 40 थमां 50 किलोमीटर फही घैंटे चलने आली अंधी झक्खड़ दी रफ्तार बधियै 60 थमां 70 किलोमीटर फही घैंटा होई सकदी ऐ। जेह्दे नै सड़क ते रेल यातायात बुरी चाल्ली प्रभावत होई सकदा ऐ। विशेष करी जम्मू श्रीनगर ते श्रीनगर-लेह राष्ट्रीय जरनैली सड़क ते पहाड़ी इलाकें दियां दूइयां बड़ियां सड़कां। करसानें गी सलाह दिक्ती गेई ऐ जे ओ 18 अप्रैल थमां 21 अप्रैल दपैहरी मगरा तगर राई-बाई कन्नै सरबंधत सब्बै कम्मकाज मुअत्तल करी देन।

<><><><><><>